

重修通志

卷之五

乾隆縣志
光緒縣志
光緒縣志

新平縣志

PDG

中國地方志集成

雲南府縣志輯 ③⑨

乾隆騰越州志

光緒騰越廳志稿

鳳凰出版社 ● 上海書店 ● 巴蜀書社

重刻騰越舊志序

騰越之有志自州牧吳式齋始繼之者
朱君畫圖至屠君南洲乃續成之無所
謂新舊也光緒間陳春源師來守是邦
憫文獻之無徵慨然切脩志意薦紳先
生皆贊之泰時年尚少分任校讎責丁
亥告成於是有新志而目屠志為舊志

丙

焉名殊而實一也顧人情喜新厭舊往
往得此失彼不復念創造者之艱難矧
舊志為百餘年物風霜兵火剝蝕不堪
安得嗜古之士遠紹旁搜使碩果蒙泉
延一綫於幾希哉嶺南黃雷樓太守癖
於古以文章潤色吏治兩官吾騰深惜
舊志日久就湮因重付剞劂委楊濟生

拔萃郭炳南明經董其事夫以太守之
才之學何難操筆削權損益於其際而
乃一切仍舊無少點竄得毋依樣胡蘆
乎然此特淺見者之議耳不聞夫子之
言曰述而不作信而好古以夫子天縱
之聖尚猶如此又何怪太守莫贊一辭
耶雖然百數十年之殘篇斷簡經太守

丁

整飭而煥然一新俾披覽之餘恍見廬
山真面其事雖述其功則倍於作也現
值新定界不無出入吾尤願鏡方輿叢
掌故者奉此為繩準則不泥於今自有
以合乎古率舊章而訂新約輦數千里
之邊防重億萬年之圖籍庶不負今日
刻志之盛意與前人作志之苦心泰監

官於京徒以位秩卑微進不能佐

朝廷以復先代之隆規退而居桑梓又不能

振起文風守前民矩矱因舊志之刻不

禁重有感焉於是乎書

賜進士出身刑部主事郡人寸開泰曉亭甫

謹撰并書

三

重刊騰越舊志序

騰故無乘志之興哉於式參吳君
歷十載而稿脫既公以付朱君畫
圃屬刪定未卒業而屠君南
洲未牧是邦乃竟二君志續成
之自式參公於是又十年南洲

序

是役事屬於因而書成於創其
苦心孤詣皆可湮乎光緒歲丁亥
新志告成舊志遂廢無有過而
問焉者炳堃以甲午春重知廳事
求舊志不可得而零篇斷簡於
是深惜南洲之志之沒而舊志之

刻為不宮緩也乃與諸薦紳謀
僉欣然顧無完書會南甸化南
宣撫以屠志獻披眤之固完壁
也而楊濟生拔萃復求於野又
獲全帙爰付濟生悉心校讐言謬
者正脫者補不敢意為改竄以

序

二

存真固而以邵炳南明經副經
始於丁酉之春八閱月而蕆事炳
堃竊惟劉昫舊書與歐宋新
書各有得失後儒之毀譽乘之
卒乃二書至今相輔而行無有主
此奴彼者此物此志也夫常人見

新而遺舊竹垞太史謂近日瓷盤
頗極精巧惟有識者輒以為不然
雞缸之立五鎰而有力者不少惜
此豈精巧之果遜於雞缸抑亦人
情之偏好耶嗟乎炳堃老矣盱
時事之日新驚心駭目轉憶數

序

三

十年前可喜可慕之故不可復
得而感舊之悲生焉舊志之刻殆
亦感舊之意云爾

光緒二十三年歲在丁酉嘉平朔
新會黃炳堃謹序



雲南騰越州志序

明正德間騰衝司指揮使徐廉曾延紳士易翼之等兩脩司志嘉靖初司改為州隆慶初知州沈祖學始為州志其藁則州人吳宗堯據易氏司志而成者萬曆四十二年貴州李之仁牧騰復招州人張邦教等纂志三卷是則百餘年間

騰越州志

序

凡三四脩矣自萬曆之末以迄於今百六七十年不但續脩無聞即求原志亦不可得文獻之缺何其甚哉乾隆三十五年吳君楷調騰牧始慨然作騰越志雖於對簿間得沈志田賦李志衛秩然所因者微而其實猶之初也分二十四門其條例並序具於吳君本傳中巍然

成衮矣藁甫就而吳君去以授接政朱

君錦昌朱君閱之猶欲於繁簡處加刪

潤而日不暇給臨去以語述濂令成其

志而藁仍鎖於塵篋未發會朱君之安

南之順甯自順甯回省始以藁見寄且

申屬前言述濂受而讀之而嘆吳君當

軍馬倥傯時猶勤思撰輯顧遲之十年

騰越州志

序

二

始脫藁而授之朱君屬其刪定蓋初始

之難如此朱君慎之又慎且遲至數年

以其任分於述濂夫二君以鴻博絕麗

之才俱稱當時作者顧以未成之業迭

相誣諉之諄諄述濂何人其敢輕為正

續第以少承父兄學未敢自外於作者

之林况欣際

昌期蠻荒來格當普天同慶

封錫遠覃於越裳而述濂幸得以守土邊臣

追隨

天使

賞戴花翎以今年六月十五日出鐵壁關十

九日抵新街揚帆而下直抵阿瓦七月

初十日宣封十三日以其使回八月二

騰越州志

序

王

十一日進關又六日進州往返六旬有

餘日其於山川之險易關隘之周防夷

情之頑順已足親履之目親睹之矣而

猶謙讓未遑缺所記述其何以揚

休命而答前賢且夫一統無外者

聖代之隆規也籌邊必備者守臣之專責也

昔李德裕帥西川建籌邊樓按南道山

川險要與蠻相入者圖之左西道與吐

蕃接者圖之右其部落衆寡饋餉遠邇

曲折咸具凡虜之情偽盡知之竊考唐

時與南詔分界憑姚州為邊耳目元至

今且遠至於騰越其所當知者為何如

哉圖而畫之於壁與記而載之於書不

可以湏臾緩者也故取原藁加以身所

騰越州志

序

四

親見聞者而正續之重為排纂務使體

例必歸於一其分合增減非敢故為異

同如味之調必以五相濟如音之暢必

以五相和則亦無大差池者矣昔荀悅

漢紀而袁宏續成孫盛陽秋而檀道鸞

續成雖生不同時猶與壘麓和應况先

後接政同時同官其可負二君之什托

而不為導揚盛美乎書成分為十三卷

付之梓而序其端

乾隆五十五年嘉平月奉直大夫知騰

越州事楚北屠述濂序

騰越州志

序

五

重刻騰越州志凡例

一舊本代遠年湮侵蝕漫漶字體模糊率難辨認此刻雖依原初翻成而遂加填繕或以數舊本始較出一字者或闕數月甫議定一偏旁者務得其真方敢添入不啻大半從新創寫也

一舊本中有字義遠奧典核幽僻淺陋閱之茫然不解必徧質博雅諸君子指證詳明及參考字典等書確有可據者然後鐫之

一是有刻每有古俗減筆破體等字多沿舊本以便匠人

一舊本於

騰越州志

凡例

本朝敬避字樣當日未奉 明文尙未一例認真是刻謹遵

科場條例悉改避之昭其敬也

一是刻梓匠之巧拙不一枲板之厚薄亦殊工在速成勢難求備僅以原本不甚舛謬字形不大差譌借以傳信而已閱者諒之

一舊本中如北順江西瓦甸之類亟改西順江北瓦甸顯而易見勉易一二字其餘山川道里遠近地名今昔稱謂不同想採訪時見聞互異故亦仍之不改前人故迹

郡人

楊潤富濟生謹識
郭文炳炳南同校

雲南騰越州志目錄

趙直大夫知騰越州事屠述謙修

卷一

建置

建置沿革考 建置沿革表 里野附

卷二

疆域

四復 關隘 道路 橋梁 村寨

卷三

山水

諸山 諸水 溫泉 古洞 瀑布 巨甸

卷四

城署

城池 縣署 公館 樓坊 衙門 街市 城門

騰越州志

名勝

卷五

戶賦

戶口 屯田 民田 稅課

卷六

學校

學宮 社學 義學 書院 科貢

卷七

職官

文職官 銜所世襲官 武職官

卷八

列傳上

重臣 漢諸葛亮 明沐英等 王璽等 樊 聖

使臣

元乞 附說因 郭 明杜 附等 洪 周 蒙

勞臣

明楊大用 陳 方 哀 趙 趙 張 清

何 珏 蕭 奇 熊 等

帥命

元段 信 苴 日 忽 辛 都 明 的 斤 吳 杜 亮 烈

忠烈

元張 萬 家 奴 明方 政 等 吳 繼 勛 等

附記 齊 緬 死 難 李 定 國 沐 天 波 等

卷九

列傳下

名宦

名宦 祀議 楊 立 政 等 二十人

騰越州志

目錄

附考 劉 文 昌 李 先 著 以上 兵 備 守 巡 政 績

國朝 哈 國 典 吳 格 朱 錦 昌

流寓

元脫 脫 附 明 祝 通 瑞 楊 易 恒 周 東 華

國朝 劉 寬 劉 煥 章

人物

明王 經 吳 翼 之 劉 王 宗 政 汪 宏 城

吳 宗 周 葉 璋 鄭 文 燦 郭 林 文 盛 錦

吳 宗 周 葉 璋 鄭 文 燦 郭 林 文 盛 錦

吳 宗 周 葉 璋 鄭 文 燦 郭 林 文 盛 錦

吳 宗 周 葉 璋 鄭 文 燦 郭 林 文 盛 錦

吳 宗 周 葉 璋 鄭 文 燦 郭 林 文 盛 錦

孝義

明 蘭 剛 吳 承 榮 周 邦 教 吳 祥 潤

童 祥 李思魯 王 璣 張 頤 陳天爵 張 珍 姚 玘 陳世培 陳 鳳 興	方技 明王 璠等 陳鳳興	烈女 明谷添生妻楊氏等二十六人 貞女段尹 沉陳等四人 孫 璣及姑思氏 罕送 國朝張潘氏等八	仙釋 南詔李賢者 摩伽徑 明黃甫 潘無念 道明 寶 藏 德 閏 李成德	卷十 邊防 兵制 七土司 綱考	卷十一 滕州志 目錄 三	雜志 災祥 雜記	卷十二 記載上 章奏 考辨	卷十三 記載下 碑記 詩詞
---------------------------------------	--------------	---	-------------------------------------	-----------------	--------------	----------	---------------	---------------

雲南騰越州志卷之一

奉直大夫知騰越州事屠述濂修

建置 建直沿革考 建置沿革表 星野附

川滇皆蜀地禹貢為梁州周職方為雍州漢則屬益州所部考漢書所載徼外內附者自哀牢外有敦忍之王莫延揮國王雍由調皆受印綬而焦僊種夷陸類外夷犬羊俱內附汶山以西北狼獾木唐虞舉種奉貢者且百餘國或戶三萬一千或戶百三十餘萬或口十六萬七千餘或口六百萬以上其廣如此則統西藏緬甸詭夷俱奄而有之矣豈有騰越尚在化外哉吳君謂騰越自元始入中土隸版圖其志沿革自元明起蓋考之未確也今仍照各郡邑志例起自唐虞以考而表之

建置沿革考

騰越者古滇越也亦曰越賊其來久矣昔漢氏欲自西南夷以通大夏也武帝使張騫為四蜀健為發問使四道並出驢出冉出徙出邛焚各行三千里其北方開氏雍南方開高昆明今自建昌姚安鶴慶麗江以達於吐番野人之境皆古昆明夷也昆明之屬無君長善寇盜殺署漢使終莫得通於是嚮言其西可千餘里有乘象國名曰滇越蜀

賈茲出物者或至焉於是漢以求大夏道始通漢國國越而滇越之名始一見其稱昆明無君長善寇盜則今州境外野夷猶然其稱乘象國則今所轄各土司猶能馴象故知騰越卽古滇越也初爲在大夏時見邛杖蜀布云市之身毒大夏去漢萬二千里居西南又東數千里爲身毒而有蜀物此其去蜀不遠故爲此謀欲自蜀以通身毒迫閉於昆明又思通滇越身毒卽天竺也而其道必從滇越進故唐賈耽記通天竺之路由永昌諸葛城起經驛國今驛名不過二千餘里卽至東天竺今諸葛城在州境分水嶺上益知騰越卽爲滇越張騫欲取道於此以遠通大夏賈騰越州志

卷一 建置沿革考

賈實紀道於此以近抵天竺是騰越當漢唐時早爲內地尤爲無疑矣第是漢武置益州郡領縣二十四不韋早在所轄之中所以南粵旣平遷呂嘉子孫於此名其先人以辱之若使滇越卽騰越此其相距不過四五日程何以經柏始昌呂越人之順命郭昌衛廣之斬虜不但大夏不可通卽滇越不可得哉蓋其時不敢度博南越蘭津故也迨至明帝時哀牢內附因分益州之六縣與新置哀牢博南二縣共八縣爲永昌郡猶有渡蘭滄爲他人之怨歎益信從前無有問渡者矣當年哀牢籍其衆戶五萬二千口五十五萬三千餘僅分二縣則知漢時之縣幅員極廣今騰

越及順甯暨諸土司之境大金江內外至於南海皆哀牢博南地現在交趾西南猶有哀牢國地之廣大如此豈惟騰越哉按范史傳哀牢之先有婦人名沙壹居牢山嘗捕魚水中觸沈木若有感產十男後沈木化龍出水語沙壹若爲我生子今何在九子見龍驚走獨小子不能去背龍而坐龍因詛之其母烏語謂背爲九坐爲隆名曰九隆及長諸兄以九隆被父詆而黜推以爲王山下有一夫婦生十女各妻之漸相滋長皆刻畫其身作龍文衣皆著尾世世相繼分置小王散在谿谷絕谷荒外山川阻深未嘗交通中國漢建武二十三年其王賢栗遣兵乘船南下江騰越州志

卷一 建置沿革考

三

漢擊附塞夷鹿薹爲大擒獲於是雷雨江溢軍船沈沒溺死數千人賢栗復遣其六王攻鹿薹鹿薹王與戰盡殺之旣埋爲虎發食餘衆驚懼引還賢栗惶恐謂其衆曰我曹入邊塞自古有之今攻鹿薹輒被天誅中國其有聖帝乎天祐助之何其明也二十七年遂率種內屬封爲君長至永平十二年其王柳貌復率種人內屬因爲立縣則是盡哀牢而悉歸內矣所稱南下江漢者卽今瀾滄江也鹿薹夷唐時猶存不知今何種也范史又稱哀牢土地沃美宜五穀蠶桑知染采文繡蜀氍毹蘭干細布織成綾錦栴桐華布幅廣五尺潔白不汚文節濮竹出銅鐵鉛錫金銀

在越

夷人貪利故以欽財之名用名其地若大施聯欽尋聯太
聯劍聯是也然則越聯之名其猶越州乎故騰越在西漢
為滇越在東漢為哀牢博南隋唐猶事羈縻兩宋遂成外
境越賤之地幾不能名騰充之城但傳唐志至元而有騰
越州然其廢置不常至明嘉靖初而州之名始定自元世
祖為太第時開雲南憲宗三年騰越土酋高教內附高氏
先世官於騰仍命其後繼為之守騰衛知府高泰高惠其
後也至世祖至元十一年改藤越州置藤越縣則以騰為
藤十四年改騰衝府置順江州騰越越甸古勇三縣二十
五年省州縣府如故蓋屬大理路元於雲南立三十七路
騰越州志 卷一 建置沿革考 六
此其一也末又立騰衝征緬招討使司明洪武十五年克
大理畧定金齒等處騰越內附時金齒土酋高泰惠并也
先虎都構麓川入寇討平之十六年麓川緬甸諸蠻皆內
附十九年沐英奏請屯田三十三年改騰衝守禦千戶所
隸金齒司或曰永樂九年設守禦所永樂三年遣官諭西
南夷大小古喇等部落皆內附宣德五年置騰衝州尋廢
正統二年十月麓川思任法反明初思任法父思倫法內
附宣德時與木邦仇殺失官以孟養刀氏代思任法因刀
寶玉勢弱據麓川侵孟定灣甸等處沐晟遣官招撫不聽
三年刀寶玉奔永昌死思任法入據騰衝出路江事聞遣

明所
設此大
四日底

伯仲
參事
合議

至事楊甯往諭不報四年詔沐晟率沐昂方政討思任法
次潞江方政力戰死晟飲藥卒以沐昂為征南將軍率兵
討之復騰衝五年抵隴把敗還六年思任法遣使謝罪大
監王振力至征討于是有王驥三征麓川之事十年十月
築騰衝城改守禦千戶所為指揮使司隸雲南都司景泰
五年增鎮守宏治二年設金騰兵備道嘉靖元年革二鎮
守復置騰越州隸永昌府蓋從巡撫何孟春之請也時金
騰二司極為民害望置流官以中官庇護不得行會世宗
登極孟春力陳其弊疏曰臣聞消變於未萌者策之上消
變於將萌者策之中變成而後救斯無策矣竊見雲南地
騰越州志 卷一 建置沿革考 七
方俱有諸彝然西至大理東至臨安皆是府衛相參事體
有定則賦役有常制故民雖未富猶得相安惟金齒一司
是古之哀牢國即漢之永昌郡自元以上皆為府治其後
元務遠畧創立大理金齒等處宣慰使司都元帥府於銀
生崖甸其地在伯夷蒙樂山下去今金齒司南千餘里其
彝沒後金鑑二齒而華故因得名與永昌府絕無干涉後
元以其地不可守改為金齒衛移入永昌府共治元末道
梗流官多缺止有土官通判在任洪武十五年於指揮王
真處降附十六年春附近諸彝忿王真立衛鎮守不恤眾
乃共推已退土官知府高公引麓川思可法彝兵數萬來

攻生擒王真盡夷其城而去本年十月雲南指揮李親請
復立永昌府金齒衛招撫安輯十七年間十月朝廷降詔
永昌府印又續發南京各處軍充實軍伍府衛相參軍民
安堵二十二年十二月李觀病故後指揮胡淵以舊城夷
毀改築新城因欲自尊假以民少糧不及俸爲名於二十
三年十二月初八日奉革永昌府改衛爲金齒軍民指揮
使司兼管軍民彼時淵以築城有功意在專制又以指揮
俱長單掌印尙無考選軍政司使世世專有此土却將永
昌府之民并入永昌金齒二千戶所尙有附府良民無二
編立東西太和六軍等里徑屬本衛原本府所屬施甸等
屬越州志

卷一 建置沿革考

八

縣續立鎮彝等州俱革爲長官司百夫長等衙門惟永平
一縣乃古博南縣民不可革遂檄隸指揮司統屬彼時淵
恃有功不欲與府頡頏訖成私計然親承屠城之慘深結
彝民之心故需索少而糧差額輕軍民安而調發事簡又
以府衛所有專供一司故彝民安財用足後來承之儘意
貪剝近城寨分已不如前其後因麓川反叛加以徵調彝
民漸困及景泰末都督毛勝因隨征麓川知金齒司指揮
供給甚多遂營幹鎮守有內臣見毛勝得利遂接踵前來
繇是廣占彝田以爲官庄大取彝財以供費用然名目尙
少猶可支持相承到今日增月盛典馬典軍費以萬計繇

頭見面亦要數千過江籽粒等錢無時得了白米馬料等
戶無日不徵加以跟官小人百樣生事害人積棍一時縱
橫取索推體剝肉倡言不恤彝民畏死不敢不從由是強
者爲盜弱者遠逃如近城鳳溪一長官司今止數家二代
不襲可見矣比之宣德正統間環城萬里之彝民十亡八
九比之成化宏治初二三百里之彝民亦減六七所不能
堪者赤身裸體食草鋤山氣息奄奄死亡無數而上下交
征畧不爲異如施甸彝民皆極欲變正德十年三月城門
曾盡閉矣騰衝軍士過于拜見正德十一年太監曾被攻
矣及今木邦起兵奪占孟定府又起兵入隴川臨芒市又
起兵入灣甸州其州去永昌所老姚寨僅四十里矣即今
孟養又起兵過金沙江鑿山開道由茶山直抵騰衝猛密
又來要求宣慰矣臣訪於耆老皆言自平麓川後今經入
十年並無彝人敢如此侵犯良由金騰二司附近彝民被
害不過各逃往彼處以訴其怨彼各得招徠以益其強既
知二司之虛弊又悉其貪殘且又年年下番哄誘寶石月
月設計期騙金銀遂使遠彝生凌侮之心與兵試作變之
漸若不早計誠恐變生蓋附近彝民爲二司藩籬皆抱恨
切骨則藩籬撤矣附郭軍民爲地方根本皆疾首痛心則
根本病矣藩籬根本皆隳大變固應不遠臣叨授巡撫之

卷一

建置沿革考

九

奇憂如焚灼博探廣詢共言惟是後府治設流官以撫安於內則外變自息及考之前數年巡撫官固有憂先於臣其本二三陳奏矣緣該部只照常行雲南鎮守衙門勘報殊不知鎮守衙門於近彝日取之財必于必萬於遠彝歲貢之利莫考莫稽既圖利身誰肯爲國一承行勘轉加號嚇聲言治其妄告倒說爲伊解釋各差官上緊逼要不願復府結狀更督令科派備禮所以彝民畏懼益深蓄怨益切二司則剝削益肆聲勢愈彰非徒無益於弭亂更以倡發其禍機今幸皇上入承大統聖眷昭升率土普天更新視聽延頤企踵想望太平臣用敢罄竭愚誠冀消禍幾

騰越州志

卷一

建置沿革考

十

伏願聖明俯垂睿鑒不惑羣議斷自宸衷免行鎮守衙門勘報乞查前後奏詞以查事機將金齒司所屬永昌金齒二千戶所彝民並附郭各里百姓仍舊復立永昌軍民府統治再乞勅吏部精選川湖貴州有守有爲進士出身知府一員舉人出身通判一員推官一員經歷司經歷照磨所照磨司獄各一員令其領印作急到任其所轄隸州縣官長司及各屬衙門俱候知府到日計度人民戶籍多寡地方遠近照舊爲州爲縣爲長官等司另行奏請銓官降印其騰衝司原係府治後改爲騰越州騰衝守禦千戶所彼時州隸永昌府所隸金齒衛後因北照金齒改爲軍民

指揮使司今其爲害亦與金齒相同若金齒復爲府騰衝亦合復州或爲府將司改爲衛軍民相參管理其大小事例亦比金齒次第舉行若其公廨房屋臣已訪得空閒官田房屋甚多官至卽備並無勞費如此則近使彝民可以自安遠地彝心自然畏服而變可坐消矣然不止消禍變於將來又可廣垂利澤於永久臣請畧節陳之原兩司皆是指揮千百戶等官凡經收錢糧皆先取以阿奉權勢因而竊入私家花費及至查盤則認借充盤隨後竊出花費爭發之後監追至死無處賠納爲此守巡官無法可治將金騰官銀多解大理府庫收貯今復府治則免貯庫於騰越州志

卷一

建置沿革考

十一

大理既可省五日護送又可以答應緊急其利一也又凡承委撫彝勘問詞訟徵收錢糧各一事不知一字不識凡地方詞訟錢糧不能辦集今復府治則承委有人辦事易辦其利二也又驛課巡司缺官不報各買求署掌見今館驛日日打乾二兩而供應在外稅課徵商倍常而課程無聞災異常見不申呈吏員久役不起送今復府治則官無虛曠館驛可蘇稅課可減商賈可還災異可警吏役可正其利三也凡元宵烟火料絲燈皆於操處出銀五十兩製造永昌所部又通行科派彝寨春牛芒神天下同製今要多造兩頭承奉分派彝民各壇祭祀惟衣冠與祭有昨今

要買補二倍分送跟官尤提牢子等人今復府治則此費自絕其利四也又金齒魚利比之大理不及然東湖各埔堤河池所出市不缺買南北河道行水之來歲不缺入而魚課之徵抽分之利通入私門今復府治則財用自足其利五也往時官舍軍民之家有不得已乘喪嫁娶者皆在夜中惟恐人覺自今指揮等官稟過官府在行嫁娶或父母喪後三五日或半夜白晝嫁娶鼓樂喧闐誇示市廛衆皆忻慕納賄請求以爲榮耀人心咸悅風俗盡移今復府治則此弊可無風俗還舊其利六也夫能消禍變之大創永久之利如此適遇聖明在上庶政維新又如此倘又畏騰越州志

卷一 建鎮沿革考

主

首畏尾不一陳之豈非天下後世之罪人哉臣但恐欲專地方之權以取利幸地方之便以邀功曲加阻撓臣請逐件晰之若曰永昌府係我太祖高皇帝時所革只當遵守不宜更復則胡淵革府之時府學亦革爲足食倉矣何自正統以來列聖又因臣下之請復照府事例立學到今平若曰今騰地接外彝規畫已定忽復府治恐兵弱不能守則見今臨安接界於安南比之諸彝之離金齒尤近安南地盡於南海比各彝之宜懋更強以臨安府衙顧足以控制強大之安南而金齒不然正以司治貪汚是以起其欲變耳若以永昌府衙相參加以騰衝有不能控制數倉

寇司寫遠之舞乎若曰民少不勾僉一府之皂隸門庫糧少不勾供一府之官員俸糧則查今隱占米戶之丁力足以勾一府之皂隸門庫其私納白米之石數足勾一府之官軍俸糧矣何況三十寨之秋糧各民里之賦役乎若曰未嘗有例緩求其宜則見今雲南大理蒙化景東楚雄臨安曲靖俱有府有衛卽其例矣且內惟臨安大理二府土地人民財產田畝與金騰等其餘府分遠不及況今彝民困極大變將興救焚拯溺少或遲延則禍亂必作救之不及矣豈容緩乎其餘區處細微事務曲折非本內所悉者臣已悉與布按二司官晝夜計算經畫停當決可弭患於騰越州志

卷一 建鎮沿革考

十三

將萌垂澤於永久如或一有不效臣甘萬死以謝妄言之罪伏望聖意憫念俯賜允從則地方幸甚生民幸甚自是改司爲州永爲定制用流官故錄其文以見武襲之不足恃武人之不足用前明之設衛所於九邊使北地河西漢氏所出文人奇士之地無能振興是可鑒矣十年改騰衝軍民指揮使司爲騰衝衛十三年增設永昌府撫彝同知一員駐騰越萬曆五年緬甸莽瑞體寇邊隴川宣撫司多王甯爲其養子岳鳳所害據隴川十一年巡撫劉世曾巡按董裕曾請以鄧子龍爲金騰參將劉綎爲騰衝守備剿平之二十一年巡撫陳用賓請設八關二堡于三宣要害

二十四年築平麓城開屯田二十二甸三十八年隴川宣撫司多安民叛入緬巡撫周嘉謨檄兵備道黃文炳叅將劉天俸追斬之立其弟多安靖又三十餘年甲申而明亡此自元迄明四百餘年事之可紀者也至是年我

朝

定鼎於燕京爲順治元年甲申時滇南疊遭普名聲吾必奎沙定洲等之亂二年乙酉十二月朔明鎮守沐天波走迤西三年丙戌流寇孫可望李定國劉文秀艾其能入滇八月孫可望兵入迤西沐天波走永昌可望至大理劉文秀至永昌執天波歸省仍佩黔國公印六年己丑孫可望遣其僞戶部龔彝詣粵西求封爵七年庚寅承應將陳邦騰越州志

卷一

建置沿革考

十四

傳與孫可望通私填空勅封可望爲秦王八年辛卯可望自稱滇國王卽以可望爲秦王是年遣僞都督王復臣以千崖隴川納賦愆期殺于崖土司刀鎮國並致仕土司刀定邊隴川土司多安靖九年壬辰二月廣西平永應奔廣南可望安置於安籠所十一年甲午可望殺承應從臣吳貞毓等十八人於安籠十四年丁酉李定國自文選劉文秀合兵拒可望可望走長沙乞降於經畧洪承疇封義王永恩入滇十五年戊戌命安遠靖寇大將軍信郡王鐸尼等統三路兵取滇破李定國自文選兵於七星關承應走迤西十六年己亥正月朔大兵抵雲南二月兵進迤西永

恩至騰越州李定國復集兵於磨盤石樹柵扼險趙布大吳三桂破之承應入緬李定國走孟良白文選走猛緬遂克騰越州六月南甸千崖隴川各土司後先歸附十七年庚子正月命吳三桂鎮雲南三月吳三桂請准土司世襲南甸刀呈祥隴川多紹甯于崖刀建勳蓋達刀思韜仍襲宣撫司悉給印劄世襲設騰越協副將隸承順鎮十八年辛丑正月李定國攻緬甸緬甸曾請救吳三桂發永昌騰越兵五千援應之五月定西將軍公愛星阿至滇十一月同吳三桂領滿漢大軍入緬追白文選於茶山降之是年革騰衝衛設衛守備衛千總管屯田軍餘隸雲南屯田都司騰越州志

卷一

建置沿革考

十五

康熙元年壬寅正月師次緬甸會殺承應家室吉王松滋王瑞昌王及沐天波等數百人從臣宮眷等殉難者數百人遂獻承應愛星阿等還雲南四月愛星阿等議送承應至京吳三桂以道遠不便繼承應及其子於昆明家屬送京八月李定國死於景線其將馬思良等以李定國子嗣興及劉文秀子震來降九月議賞緬甸功吳三桂奏龍之五年裁府判州同州判縣丞照磨知事檢校巡檢司獄倉大使及備假驛丞等員騰越鎮彝關巡檢騰龍兩驛丞倉大使稅大使裁十二年癸丑十一月吳三桂反改元周十七年戊午吳三桂死於衡州十九年庚申大兵取貴州吳